

農政發明

耕心農話

序

予年老倦遊，因說奚君子明於金閭腐齋，其為人也，好學深思，有分陰自惜之縣，挹其言論風采，上下千古，慷慨獨任，予心善之，遂詢其所學，而其所作大都以經世為務，內一種農政發明，推原所以實以古人之心法，然終落一寡合，殆蘇長公所謂滿肚皮不合時宜者歟。此將平日博採衆義，自成一家人之研心農話一帙，示予，予非老農，初讀之，似古人云亦云之作。

再讀之、覺有理化之相承、又讀之、而知其用心良
苦、妙在不泥古而用古法、有異於彼、而與彼宜、可謂
匡時而不戾於時、誠非苟作者也、蓋禹貢一書、亦祇
言水土之不同、種植之宜異、以教九州之人民耳、苟
東南沃壤、而盡行此法、則西北亦可免飢饉之虞、斯
功此德、又何可限量哉、子明其力行之、俾築耨畊堂、
共話桑麻、可進步古賢無愧矣、是為序、 寄
衛光歲次丁未冬日吳谿松文煒茂眉氏題

時年七十有六

天下之病。惟在於不足。不足者補之。補莫如治本。本
何在。農是也。古之務本者。皆重農而貴粟。後世生齒
日繁。農政廢弛。雖歛足食。不亦難乎。吾友奚君子明
醫國手也。其論十三科八法。發古人之未發。其治病
也。目無難症。着手成春。真有洞垣之明。起死回生之
術。而又好學深思。安貧樂道。其於三教聖人之道。靡
不通徹。尤精元學。惜落。寒舍。所行輒阻。雖貧不自
瞻。洎。也。蓋不為一身一家計。而為天下計。其志大

矣。近去其所著破火攻治河渠等書，惜原稿為人賸去。惟研心農話一帙，讀者無不笑其妄而歎其愚。而至今猶在篋中也。其中井田論、復井田法、種田新法、原二本、酌古斟今、滅救世之神丹、養生之妙劑也。夫世之好為大言者，每以井田為必可行，後者援之，蓋以知其必不可行而言之，亦借是以欺世盜名耳。今觀斯集，六言井田而有變通之法，洵非紙上空談。當有實效者，如果信行，將見倉廩實而禮教興，則其

所補於天下者不小、可佐我道以治平、而甦其蒼黎
之疾、有何難哉、故樂而誌之、是為序

道光己酉孟冬吳縣呂承賢棲年氏題於南濠一卷
石山房

自序

厚生者、所以培斯民之元氣也。論厚生之道曰：足食。
足食之本、則在乎種植之得宜。夫農者力耕固莫不
有年、是出而卒無倍蓰之獲者、則種植之宜、或未盡

善小民無知莫之切究而士大夫又不屑言予鑒也
竊思神農教民始藝五穀食味草木之滋以治民病
苟本其鑒人之術推而鑒國其補救之大更何如也
或曰不在其位不謀其政聖人所戒子僅草澤一民
見聞未廣自謀之不暇迺欲推鑒人之術以醫國豈
非妄言以取利乎子應之曰此言誠是然亦思予之
所以歟不已者切有慨乎吳中漕賦甲於天下張士誠
據吳以祖為賊自有明至國朝雖屢官逋日積民不聊
減其賦然今一郡之額猶抵一省

生抑且中外無限漏卮日竭吁民病幾不可治矣求
治其原莫先民富民富莫先勸農講求樹藝之法以
調劑而疏通之民氣既蘇民心自固所以養國脉於
太和者實係乎此予雖至愚輒敢貢其一得焉孟子
曰民之為道也有恒產者有恒心無恒產者無恒心
苟無恒心放辟邪侈無不為己愚民非不愛親也仰
事無資則孝道難全於凍餒頑民能不畏法也謀生
乏術則為非實迫於飢寒世道之衰其何以振誠重

農以敦本立鄉長里正之法而督率之其身法從鄉里擇
其優者為鄉長生監才能去衆守正不阿者
為里正酌捐助法置辦義田教之屯種使地無曠廢民
無遊惰各保身家勸功興業王道之行不外是矣道
也者君子學之則愛人小人學之則易使士為四民
之首有轉移風化之權小民所視為標準者也如欲
正民心必先端士習如能束修其身使一鄉之人熏
其德而善良推而至於天下則比戶可封矣然後別
其流品量材器使得人之效於此可觀則朱子所謂

使士居之無異處、取之無異路、官之無異術、亦即周
官教以德行、道藝而真其賢者、能者之義、人心日習
於正、以之致天下治平不難也。然則富民之道、實所
以壽民予之、所謂喋々農事者、其救時之良藥也。夫
咸豐壬子年嘉平月杪、吳郡吳誠子明氏自序於明
農政發明上集

古吳吳誠子明氏著

述原

稽古炎帝嘗艸別穀、教民粒食、作耒耜以耕種、用撒

穀引水籩燒之法為樹藝始。故稱神農。黃帝治蚩尤之暴。盡井地。均穀祿。寓兵於農。乃王政之祖。田制雖定。種法未備。唐虞之世。洪水氾濫。稷為農師。即就湮沒。創行水種。遂有牛犁耨耨等法。成湯久旱。伊尹耕莘。始作區田。用負水澆灌者。為無水可引以溉田也。當時雖遇水旱之奇裁。民欣盛世。而未聞有萊色之憂者。善於力田也。嗣後井田即用此二法。以公田區種。私田水種。遂成定制。或聞何所見。而若是耶。曰。三


代分田制祿公取什一所得既少安有所餘補不足而助不給必獲倍蓰充公非區種法而能然耶蓋區田不患水旱而便農在清明農隙時播種屆秋已稔雖止一熟所獲十倍以成裕公濟私之美古聖立法有如是之善可為萬世法也或曰區種既善聽民種之可也矣用別為曰為區種蚤水種晚水法易區法難也公田之所以能行區種者田少而力衆也私田之不能區種者田多而力寡故作春秋兩熟之收也

詩云雨我公田遂及我私固屬忠愛然而所以先公
後私者因區種蚤而灌水費力故願雨公田以遂我
私也種法既分先後豈能公田之蚤是區種法私田
之晚即今常法之水種乎又以節氣證之如三月中
之穀雨謂穀雨生穀公田種早宜雨故名也以遂我
私者麥秋春熟農得小滿足遂有五月節之芒種其
時秧田中之芒、綠秧須急、乎治私田故曰芒種
即此名之義亦可意會矣或又曰既是井田用此二

法公私皆便何為後世不行曰難言也蓋區田必並井田乃可種井田必以封建方能行自阡陌開而井田廢郡縣天下而封建除沿襲已久復古實難欲行封建是割裂土宇以啓紛爭歟復井田是強奪人產以召怨尤是以不行也果爾則終不可行歟為未悉變通之妙猶執古方以治病不審權宜適多窒礙坐令古人良法美政徒為後世訾也先儒每嘆後世不復三代法聽富豪坐擅壟并之我使農盡力償租則

農自損而業自益也。剝削日久，農窮田瘠，所謂樂歲
終身苦，凶年必遭於死亡。故有棄其田而不耕者。於
是向之坐擅其利，今將鬻產以充賦，則天下人心日
避於農，以為利不在是，而害莫甚焉。豈先王樹藝之
仁術至此而竭歟？是以不得不暨之，詳述其原，而勉
為權量取法，以求之，猶可重覩復旦年豐之盛者也。
則予所見，非膚論可知矣。

井田圖



上為九井之
圖計八十一
頃每井九區
每區一頃其
缺四隅者公
田也其內方
外圓者廬井
也方者為廬
圓者為渠也


井田圖說

右九井圖計田八十一頃一夫受田百畝外加廬井
二畝半一井之地八夫耕種中公田百畝割四隅二
十畝代廬井實田八十畝八家通力合作以十倍人
一分之地故不以區以種之煩費為難也八家廬井分處四鄉廬居於內
外復以渠各得十畝田中不得有樹恐防五穀如在隄邊
渠通溝洫以備蓄洩蓋一井二家聚四井八夫之家
於一鄉而成邑也五畝之宅者謂一井二家之廬井也二畝半在田謂在田畔之渠也二畝半在邑謂

一井二家有二畝半之地。聚四井之地以成邑也。

此即孟子

其溝畛位置之制。占宋夏休井田譜同。

鄉田同井之義。祖述軒皇之古法。所謂死徙無出鄉。出入相友。守望相助。疾病相扶持。則民親睦矣。若此者。民有恒產之守。而無流離之苦。國有同心勇敢之士。鄉無匹夫橫行之暴。所以為王政之祖也。或問治田必有渠。當曰廬渠。其不曰渠而曰井何也。曰井田之義。上應井宿。以中四星為公田。屬體主靜。外四星為四鄉之廬井。屬用主動。其體用之妙。外動而

內靜也。故公田無人居。猶五行之中土寄王於四鄉也。先公作合。遂成用中之道。按天文家井宿西南隅有定位。常寄於坤宮。猶田井之餘一小星。此義更妙。蓋土主夫兵屯之為屯長。並仰給於八家。即廬井而言。以一邑四井之家作內四星。其象方而居中。故為體也。渠形圓而周於外。故為用以應外四星也。更有一義。凡渠之底。每方各藏一井。上廣為渠。以通溝洫。下井及泉。是為井也。蓋渠之底。即井之口。隔以石欄。使泥穢不入。亢旱渠涸。汲以溉田。如西法虹吸。玉衡車。恒升車。更佳。實賴井之力。

如曰廬井凡藏諸本者皆用中之道所以天地至公
其用則至私矣詩云鴛鴦繡出憑君看不把金針度
與人此之謂也若夫廬井之有伍猶陣法之有隊古
人厲兵於農守此顧彼有無不宜之妙焉

攷井田之源由黃帝伐蚩尤常為其所敗為干戈
利害毒霧迷人且有蜚廉之風回祿之火冰夷之水諸
惡畢集萬獸卒從難於為敵是以連敗三事餘陣後得
玄女握奇陣法陣即圖遂拜風后為帥立嚴陣以禦
之再變奇用為井田設兵屯以困之蚩尤為井所

陷不能暴橫蹂躪無從獵食。却自斃於涿鹿也。姜子牙得之佐周會諸侯八百於孟津以伐紂。有神力。若非此陣奚止血流漂杵。而即自焚於鹿臺耶。西楚霸王有拔山舉鼎之力。所向無敵。戰韓信於九里山前。被引戰法。陷於垓下。亦用此陣。却霸王羞見江東父老而自刎於烏江也。惟武鄉侯得此而能善用之。如文中子曰。諸葛亮不即死。禮樂其有與者乎。後鶴臞子復得青華先生之傳。演八陣圖之妙義。嘗謂左

氏曰、舞所以節八音、而行八風、在廟中則為八佾之舞、在軍中則為行伍之列、其文德武功、皆原於井、可見兵農禮樂、同出於一源也、吁、井田之義、孰大於是焉、

復井田法

凡可以生人者、亦可以殺人、譬諸水火、人非水火不生活、用適不當、亦足以傷生也、夫井田法者、為汜濫之洪水、七載之奇旱、先聖就其水旱、變通樹藝、以救

裁荒使民無菜色而成裕公濟私之善。故三代相傳
為王政治平之本。誠萬世不易之良法也。何以後世
但行水種而區法不行耶。蓋周德既衰五霸並興。豪
強兼并。井田日廢。商鞅佐秦。第求一朝之利。不顧萬
世之憂。開去阡陌。填平溝洫。改作繆田。以益多賦。是
以良法盡毀。其害迄今未已。聖人所謂作俑。每後二
世。即斬良可嘆也。此無他。後義而先利也。凡利之所
在。害亦至焉。物極則返。勢使然也。上好仁。其下未有

不枉義者也。以義為利者，猶水火之既濟也。上好利，其下未有不爭奪者也。惟利自圖者，如水火之不濟也。井地既廢，田非耕者之所有，而有田者不耕，貰其田與佃者耕也。其坐獲均收之利，而得並人之產，遂據以為業，剋剥日深，田疇日瘠，以致農政日廢，為患日迫矣。是加耕者，終歲勤苦，未嘗贍其身家，輸租之外，所剩無多，難以養父母而蓄妻孥。工本日窘，逋負日多，儻遇灾荒，民不聊生，強者劫掠以偷生，弱者嗟

吁而就斃。然而今之業田者，收祖輸公，猶且不敷，矧無祖可收，即使敲朴追逋，徒成兩敗，竟有變產納糧而謀求不得者，於是交相訾怨，以為田不可務，豈非養生之術，亦足以傷生耶？抑曰：今也不復井田法，無可以治生矣。或曰：言雖似是，第不思孟子大賢也，戰國時去古未遠，歟？復井田尚且不能，後世先儒名賢咸有此意，徒託空言，未嘗一試，雖三尺童子亦知井田之不能復也。汝何人斯，大言不慚，妄謂可復，凡事

之可行者、言之有益於世、謂之立言、明知事之不可行者、而言之無補於事、謂之空言、既知空言無補而言之、豈非愚且拙者乎、予曰、所責誠是、然而事有昔日之可為、而今日不可為者、井田之位置也、有昔日之可為、而今日亦可為者、井田之種法也、後儒不知此義、而歛復井田者、以為經界正、則穀祿均、王政之行、可坐而定也、所以必歛如井田之式、非塞谿壑、夷邱陵、破墳墓、壞廬舍、不可為也、縱能盡得平原廣野、

而遂規畫於其中。亦當驅天下之人。竭天下之財。數十百年。專力於此。而後可坐天下之地。皆為阡陌溝洫。成其所謂井田之式。而民之死。其骨已朽矣。是誠不可為也。蓋不明其實用之妙。亦無益於事。今井田雖不可為。而其樹藝之法。實利於世。若用井田之法。種或百畝。或千畝。以九分作私田。一分為公田。不必規畫如井式。但用其法。以私田水種。公田區種。以此通變。未嘗不善。則井田之古法復矣。井田法一復。其穀菽

如水火之多。從此可以蘇民困而救裁荒。國家用之
兵屯。可以足兵。而禦外侮。鄉社用之。民屯。可以足食。
而無盜賊。故曰不可復者。井田之位置。其可復者。井
田之種法也。愚所以不避衆口之訾議。而反覆詳晰
剖之者。實得古人之心法。曰。必如是而後可以治平
也。然而行不行。則非寒士之所能為也。力不逮也。非
法不可行也。今雖不用。後世見之。必有與者焉。夫治
亂猶水火也。得其所以治則治。失其所以治則亂。猶

水之潤下、火之炎上、雖云自然之氣運、然而未可聽之者、故要補救於未萌、則水無氾溢、火不燎原、使亂者治、而治者則可永享太平矣。

足食足兵

王制籌國蓄、有三十年之通、以備凶旱水溢、食之足也。自井田既廢、弊政日滋、富擅奇贏、貧無餘蓄、遂使計丁受地、計地養民、古之良法、美政、蕩不復存。因仍至今、學士大夫不屑言農、小民無知、易於圖成、難於

更始例弊。猶成誰之責歟。昔朱子謂張橫渠有意三代之治。講求法制。槩然備具。嘗曰。貧富不均。教養無灋。雖歎言治。皆苟而已。凡治人首務。惟經界為急。試以田一頃。均作十分。九分為私田。授九夫。各得十畝。使自養。但借其力。助耕公田。而不復稅其私田。則農自足矣。公田十畝。用區法種之。屆秋已稔。獲穀觀時。豐則糶之。荒則賑之。已而常平義倉。實濟之美矣。上完正課外。而以餘粟貯社。備充公需。自此擴之。則可。

行王政於一鄉矣。如正經界、分宅里、以均貧富也。舉鄉長、立飲法、里有恒產也。行屯田、廣儲蓄、民無凍餒也。興學校、成禮俗、世敦風化也。明醫術、施藥物、人不枉死也。其餘救災卹患、厚本抑末、一切善政、皆足以推先王之心法也。所謂屯田者、攷明初、無行官屯、民屯、兵屯、商屯、邊屯、腹屯、諸法。永樂時、著令每一都司另撥旂軍十一名、畊種號樣田、據所收子粒多寡、以辨別歲之豐凶、軍之勤惰、雖養兵百萬、不費民間一

粒兵法所云屯田一石可當轉輸二十石也。現今諸屯皆廢。惟邊屯兵屯尚存。兵屯即衛都司所轄伍夥長之專管軍田。屯務是也。軍田久貸於農。坐收租額。有名無實。良可慨耶。今盍將所有之軍田仿井田之遺制而行區種。不亦可乎。若謂古法不宜於今。驟改章程。或恐滋擾者。可於所有貸出之軍田中擇其一二處姑仿井田法而行區種。俟有成效。民見悅之。必有樂從者。是可不嚴而廣行於天下矣。

附兵屯法

凡負郭官田百畝、以二十畝為公田、八十畝作私田、
用有家室之良民九人為伍、內立屯長一人、以主屯
務軍政、八人每給官田十畝、如田薄者、二三十不等、
使其力田自養、春秋成熟、抽其十一為屯長之祿、所
有公田二十畝、以十畝為九人之廬井牧場、十畝通
工力作、用區法種之、所獲子粒入官、上可裕國、以充
天庾正供、或為百寮之俸、以代職田也、於是屯軍力田、足

以贍家。農隙習武。教以戰陣。擇技精老成為長。在野
督畊。在陣督戰。則人皆良農也。亦皆精兵也。自此可
使老幼相愛。患難相顧。優柔和易。風俗敦睦。必畏法
而自重。有事盡地令守。則得家人併力相助。所謂民
無養兵之費。國有足食足兵之效。守土之法。莫良於
此。窮鄉僻壤。亦以此法搏聚鄉勇。一則可以捍禦強
梁。二則可使里無遊食之人。三則不致地有荒蕪之
虞。或問何以民屯無稅。兵屯則稅。其十之一為屯長。

祿又屯長所稅之祿只八分較少於散卒一分其多寡不同為此更歛其農而且兵一身兩役不亦勞乎曰民屯之無稅者為廬舍穀種耕牛田器皆自出兵屯之一切皆官給其長之稅粟反少於衆一分者以其獲粟入官驗其勤惰另有賞給則不止一分矣藉此責成勉其督率則不致於誤公也

按余子俊謂大凡地方曠衍車戰為宜器械輶糧不煩馬馱運有用之城策不飼之馬因猷圖本及兵部

造試所費不貲而遲重難行卒歸于廢如有鷓鴣車
之號謂行不得也夫古人戰皆用車何便于昔而不
便於今殆考之未精制之未善而當事者遂以一試
棄之耳且如秦築長城萬世為利而今之築堡築垣
者皆云沙浮易圯趙充國屯田亦萬世為利而今之
開屯者亦多築舍無成是皆無實心任事之人合羣
策以求萬全也法曷如哉嗚呼苟無實心任事之
之人即盡善之法制皆題之曰鷓鴣可矣

江南水利

夫坎輿江南之水利而除國家之大患者莫如屯田。但營田之策必先開渠其大端有二蓋蓄與洩是也。所謂蓄洩者有大蓄泄小蓄洩之分焉其大泄者以海為壑如疏白茆濬三江導江湖之水而注之於尾閭也大蓄者去江湖之淤澱培兩岸之隄圩使足以受支河之水者也其小泄者以近田支河為壑導田間之水而注於其中也小蓄者鑿濬池蕩及井使足

以灌溉田畝者也。再議建修開壩，以何處用開，何當
作壩，方可為萬全之計也。若專意於洩，救潦可也。不
幸遇旱，則何以濟之哉。如致力於蓄，雖足以救旱，潦
則無所容其水也。故言水利者，必使旱足以救稼，潦
可以不涇，其惟蓄洩之並舉乎。凡蓄洩之大者，一時
財力不敷，未易猝辦。姑先治其小者，莫若濬支河，鑿
巨蕩於極低處，浚井及泉，以防久旱。即將所掘之土，
壅築隄圩，而為壩。水大則開其壩，旱甚則汲其井，庶

不患有旱澇矣。若淪大蓄洩則非屯田區種不能行。
為其工程浩大，且有不便於治理者。故先治其小者，
使諸港脈絡節節疏通，屯田日久，積穀必多，財力充
裕，然後舉事，則易為力也。蓋東南水利莫大於太湖，
地居江浙，屬跨三州，會諸水而成巨浸，由三江以趨
歸海也。三江者，南曰東江，即黃浦中曰吳淞江，北曰婁
江，即劉三河江敞口以受西來太湖之水，而入於海，其
形如乾卦三爻。嘉萬時，吳淞湮塞，如乾少中爻，故蘇

松上下二流皆渙咽奔潰常遭水旱今婁江久涸猶
乾少初又萬事掣肘水患頻生今春幸開白茆故秋
潦不及上年之大而且退之甚速也惜未建閘壩不
久當淤又恐洋匪乘隙窺省甚不便也以後如開劉
河須先建修閘壩教道然後疏濬河身庶無他患於
是北顧既平再議南中二江欵為萬全之策先將海
中沙洲設法移徙數處以塞吳淞之海口使中外有
限夷人自去漏卮方止否則復起邊衅更多事也

所以必待口塞去方可建修開壩阻其復來之路
再濬江身以靖腥穢之氣而成金甌不缺之計如曰
若不屯田雖有數千萬之經費亦難辦理也

按古人有徙移沙洲之術法塑雌雄真土泥龍二
尾雌龍用火煨煉成磚埋於當止之海岸雄龍埋
於可徙之浮洲俟其泥化則浮洲為龍氣所感即
隨泥沙而至附并於應止之岸矣此法不費工力
百日內自起奇
門沙一道諸塞於出入之海口此處因港塞不能
收口勢難飛渡切不杜逐而自去矣

集區種法

齊民要術記勝之區種法曰。湯有旱災。伊尹作區田。教民糞種。負水灌稼。不過五六次。即可收成。無論山澤城阜。高危傾阪。皆可區種。以糞氣為美。不必良田。惟近家瀕水為上。畊亦不必牛犂。用鍤鑿壟。刷尤便。貧家大概與種瓜相類。宜閒時旋。掘深。庶不見勞苦也。能種區田一畝。足食五口。丁男兼作。婦女童穉。量力分工。定為課業。如糞治得法。灌溉及時。雖有旱

澇亦不為害。徐元扈先生曰：三代制產，非以多與之為厚也。詩云：無佻甫田。維莠騷々，后稷為田，一畝三晦。古人治地，但盡力盡法，而不貪多務廣，所謂貪多種者，少獲務廣地者，必荒，豈不諒哉。

區田種法

元王桢農書推本汜勝之為種區田法。如方田一畝，計廣七丈五尺，分五十行，每行占地一尺五寸，長八丈，亦以一尺五寸分之，得五十三行，長廣相乘，計二

千六百五十區、空一行、種一行、隔一區、種一區、除隔
空、可種六百六十二區、區深一尺、用熟糞二升、與區
土相和、布種勻覆、以手按實、使土種相著、苗出時、每
寸留一莖、每行十五莖、每區十五行、應種二百二十
五莖、畝計種穀十四萬八千九百五十粒別製廣一寸、長柄小鋤、鋤多
則糠薄、若鋤八遍、每穀一斗、得米八升、鋤時、以四旁
之土、壅覆其根、則可耐旱澇矣、若雨澤時降、可坐享
其成、無雨澆灌五六、即可收功、

困學紀聞云古者步百為畝古之百畝即今之四十畝本有六分有奇今不及百六十步古之一井為

今三百七十五畝

竇儼曰小畝步百周之制也中畝二百四十漢之制也大畝三百六十齊之制也今所用者漢之中畝闊一步長二百四十步每步木尺六尺加步弓之本二丈則得官尺之五尺矣

鹽鐵論亦曰漢制惟通典作商鞅佐秦更古制

種區田成效者

齊民要術、兗州刺史劉仁之、在洛陽、於宅田七十步之地、域為區田、收粟三十六石、

賈思勰曰、治田全以糞氣為美、不必良田、見文學張

宏、有糞種壅法、即今常種稻田、一畝可得穀二十斛、徐解

孫宅瑱曰、康熙丁亥、桂林朱蘊叔、諱龍為蒲令、邑處

萬山中、高陵陡陂、非雨澤不能有秋、爰取區田法、試之、後為太原司馬、在平定亦種之、每區皆收四五升、

合計畝收三十石、曾為圖說刊布行世、以為務農者
盛柚堂曰、衢州詹文煥、監督大通時、於官舍隙地、為
區種之、計一畝之收、五倍常田、又聊城鄧公鍾岳、在
雍正末、亦曾區種一畝、多收常田二十斛、

雍正四年、直隸巡撫李維鈞、疏曰、嘗攷伊尹耕莘時、
有區田之種法、收穫倍蓰、臣繪成區制、在保定城內、
賃地二畝、僱人試行之、其播種灌溉、尚未如法、而一
畝之地、已收穀十六石、若窮民得荒地數畝、俾其區

種則數口之家、亦能養贍、或歲遇旱潦、仿而行之、於
農功大有裨益、奏入、奉

硃諭、區田一說、向日視為迂濶之談、亦未聞有行之
者、觀爾所奏、收穫倍蓰、則非荒唐矣、此法倘能通行、
獲益良多、非淺鮮、雖係古人成法、亦爾一片為國為
民之心、感格神明之所默授、朕實欣悅之至、俟後再
有成效、更為源、奏聞、此誠美政也、欽此、

道光戊子年、吾郡潘功甫舍人、曾在婁門外、課農區

種稻生五穗、各三百餘粒、著有豐豫庄、課農區種
書、廣寅石琢堂先生出資、金門人葉味三在其西津
橋墳祠、浚廢基種之地、約八分、得穀八石、猶為地瘠
工拙而少獲也、此余所目擊、人所共知者、壬辰青浦
陸萊莊先生自閩丁艱歸、聞舍人行區田法、遂乞其
書、屬孝廉倪九方、茂才王笠華等、試法於青浦、序其
事、而詳載古今種區田成效之人、重梓其書、以行世、

區種餘論

予有一法能使地無餘利人無餘力一歲三收以符
古人畝穫百石之數按區田種行空行隔區種區所
種四分之一以所空之行冬種二麥菜花蚕豆夏種
豆黍之類以從俗宜其所剩之區種一區稻猶空一
區地此長彼生彼長此收各無妨碍以所空之區來
年種稻但易地更種節次為之則不致宿根纏結土
中而不發生之患靜思此法田既有半年休息之力
農無一時忙迫之工貧家田少齒繇者行之更佳

陸世儀曰、今人不種區田者、一則不知其法、一則常田冬閒必種春花、春花至夏至方收、區田在穀雨前後、已經播種、其犁地分則皆在冬春畢工、是因稻而廢春花、區田所以不行也、予於此、又有一說、今人歛種蚤稻早花、則冬閒已荒地、不種春花、以為雖少一熟、而地力總在內、不較輸也、早稻蚤花之獲、不及區田、農人猶舍彼就此、況區田乎、切我以為農人能分早稻蚤花之田、以種區田、亦未嘗不勝於彼也、或以

工力煩費人不樂為。然當生齒日繁。人窮財盡之時。苟能躬耕數畝。即可為一家數口溫飽計。此莫大之樂。又何工力煩費之足憂乎。

夫區田固為古人治田之良法。但寸土一莖。籽賴煩難。以鋤鉏壅掘。牛犂不能代其勞。擔水澆灌。桔槔不能施其巧。且隔行種。則田去其半。於所種行內。又隔區種。則半之中。再去其半。不知者以為田僅四分之。一焉。有如許之獲。無怪區田之不行也。且漢時趙過

有代田法、較區種簡易、人尚畏難、況區種法乎、予於是從古法中、改弦易轍、別開生面、集此便農新法于後、俾當代諸賢、有所採取、尚祈熟悉農事者、率以裁正焉、

耕心農話下集

緒言

古吳奚誠子明氏著

吾吳農務之壞。係春花而稽遲種稻。見小葉大。古法盡廢。以致民貧而田瘠也。今刈稻後。即種冬菜。甘腹。接種油菜。二月苗長尺許。摘供時新。及老根。林四佈。結子榨油。較諸油香美。食用燃燈。為吳人必需之品。但不能多種。故兼二麥。蚕豆。蠶豆。得春花之最早。立夏為新。乃七熟之一。人喜嗜之。於是春花之不能廢者。因此。然所種不過二十之二三。餘皆我麥。麥息甚薄。盡以種麥之田。改種。二熟稻。豈非兩得乎。麥息甚薄。夫種田當以稻為主。今不能多獲。以備凶荒。又不得。

蚤種而避旱潦。農貴及時。二月乘土膏發動而耕作。
秧者未免烈日狂雨之患。早稻至夏已發科。日烈正
所以長養。雨大正所以資生。今夏至前。後蓍秧將命。
根拔斷。種再傷。以重傷之。弱禾值其酷暑。葉已焦。
黃。如遇狂雨。則內傷於冷。外傷於濕。此昔人之所憂。而今
人欲望其早成。多獲。不亦難乎。此昔人之所憂。而今
及至獲時。今農以四五月起工。其時也。必過夏至。竟
至十一。則嚴霜冷霧。苦雨饕風之厲。歲所恒有。故有
垂成而不得下咽者。嗟乎。收穫既艱。且少。旅食者又
衆。吳郡為一方襟處。萬商雲集之所。乃一大都會也。

每遇雨水不調、商賈壅斷、米糧陡貴、故有未荒先竭
之患、懷經旱潦、則民不聊生矣、士大夫高尚其志、不
屑言農、力作者固守成法、未悉變通、是以農政不明
久矣、惟醫者、嘗艸別穀、固所分內、窮理格物、宜所當
知、故予徧攷古今成法、參究諸家精微、纂成此集、名
曰耕心農話、用治田疾、以救時敝、昔邵康節嘗謂、但
願處田禾熟、我
也、不致妨、江南為古揚州地、厥土塗泥、厥田下下、周禮
職方曰、揚州、荊州、其穀宜稻、本非二麥之所宜、今為

麥收遲而反誤其種稻之時。食貨志曰：收穫如寇之至，謂其早成而收速也。今稽遲若是，諸患叢生，悔矣。及乎賢思勳所謂四體不勤，心思不用，而能事治求贍者，未之前聞也。是以率循舊章，變通成法，除春花外，於不宜之麥，易以所宜之稻。蚤種則先熟，故有麥爭場，救公饑之名。用繼青黃不接，則售者獲利，貧者療飢，較種麥之利，不更善乎？或曰：江南春寒，未必宜此，且早稻秬也，本非吳產，苟其可種，今何罕焉？曰：於

耜舉趾詠於豳風瞻蒲望杏詳見農說西北苦寒尚
務春耕再歷數往事以證之古人於立春前犁土者
周禮稻人揚芟也先立春前十日半月前將田中
稻根殘策刈割務盡土略燥方始犁
驚蟄鉏地者春秋啟蟄而耕也春分浸種者陶朱公
早稻浸種之候也清明播種者齊民要術以穀雨前
種稻也五六月刈稻者淮南子所謂稊稼成熟之時
也以月令輯要曰四月四日為熟稻日喜晴嘉定縣志
以五月朔為早禾本命日忌雨皆占夏間早熟也
訪云小暑小至若穀雨生穀載於緯書霜止出秧見
熟大暑大熟

於農說疑說云清明斷雪穀雨斷霜此言其常也按祛
霜二降後幾日見霜則清明後幾日止霜每歲推驗
前後同占若合符節欲出秧苗必待霜止
田農要月則宋書言之候時而種則崔實志之蓋春
氣盛而艸木生見生而莧生故三月必可種矣或又
曰子之所引皆古法也第世遷時變安知不昔是而
今非豈可刻舟以求劍耶曰獨不聞兩湖兩廣浙閩
江西安徽等處皆種兩熟稻耶即以近地論如江北
下河諸邑無歲不恃早稻為活又郡志載康熙五十

五年、頒種御稻、生自苑田、故名其色微西番、味甘、性柔、較諸米粒倍大、皆三月種、五月熟、一歲兩種而兩熟、今荊門外二十四都六七圖、且江南再熟、稍實比他省為尤、吳都賦云、國稅再熟之稻、唐時揚州奏再熟稻、吳門事類云、吳俗以春分後種、大暑刈者、為早稻、芒種後種、白露刈者、為中稻、夏至後種、寒露刈者、為晚稻、說文曰、穀續也、先種之種、後種之種、其有相續之義乎、或以地力不可盡、兩熟之利、未必

勝於一熟。此論固然。獨不思一麥一稻。豈不兩熟乎。故地力易盡。而所獲少也。我之所謂兩熟者。乃易地而種。雖有兩收。其所種之地。終歲只用一次。故地有餘力。而所獲必倍也。近年少穆林公撫吳時。與同鄉署臬之李公蘭卿。攜來之四十日籽。至六十日籽。即之。占。曾資地僱工。課種兩熟。稻著有江南催耕課稻編。可證。然而或者之疑。猶未釋。終以澤土陰寒。兩熟稍決。非江南之所宜。雖有一二成效。尚謂偶然得之。

如不厭煩絮再請為君詳晰以言之。予若不深悉其
理焉得變通其法。蓋夫晴雨者天道之常情也。崎嶇
者地理之形勢也。豐儉雖云歲時實係人事之工拙
也。故君子貴於思患而預防在乎變通制宜以人巧
可代天工也。所以天時不如地理地利不如人事焉。
須知稻種有水旱早私宜早晚杭宜水南方土下塗
又因春花而種遲故多水稻北
方地平土堅糧輕不種植有早晚輕高仰宜蚤質性有
妨一熟刻可種早種
強弱早稻性強晚稻性弱
私硬性強稂黏性弱地土有良薄患濕沃壤耐

煖亦耐濕、燥土忌滋、
高仰憂亢旱、田難宜糞、
或有甚薄之田、不可以糞壯者、
山澤有異宜、澤田種強、
未可耐風霜、順天之時、
因地之利、則用力少而成功多、
任情逐道、徒勞無益、
所以
我之分行間種者、蓄地力、
則稍易發而收成必倍也、
分行如畦、畛種一行、
空一行、以所空之糞土、
培于種所則倍得土力矣、
此乃孟子易耨之心法、
浮面三尺、日糞隴、
則高低者、高則種畎、
低則種壟、平地勢可免
旱澇也、其所以能禦水旱者、
不獨仗高田能低、
低田長旱不畏酷暑、
日之所植之水、
使使其根深土厚、
則力大幹、則根節上生枝、
反之多穗矣、
水大蚤隴互種者、
要齊民

凡田欲早晚相稌，此長彼生，彼長此收，各無妨碍。兩
以防歲道之所宜，妙早稻類，便下脚，天熱容易
得其宜也。透風晚種，嫩秧畏日，喜得早禾，蔭庇及長。
早稻已刈，即以根鋤穴，俗謂之糞種者，古之糞種，即
土壅覆工本，自省。鑿穴打潭，糞種者，古之糞種，即
法列行，便于賴子。壅底則禾秀而實也。糞種者，古之糞種，即
根損，今變此法，使根枝得此，皆人事之可為。充補兩
力，自然苗而秀，不實矣。此皆人事之可為。充補兩
間之不足也。馬氏農說曰：知力為上，知土次之。知其
所宜，用其不可棄，知其所宜，避其不可為。力亦足以
救歲時之偏。今擬種兩熟稻，土不使曠，所謂用其不

可棄也。知澤土不宜麥。按麥生四節。故備歷四時。以
地廣賦輕。且多霜雪。陰從陽化。故花開於盡食之。健脾
補中。江南隰土。雪少。種遲。不能久。歷四時。變其物性。
故花開于久食之。改種早稻。所謂避其不可為力也。
發病新麥尤甚。果能啟蟄而耕。則地氣通而春澤沃之。早獲成而晚
稼繼之。以符古人穀欲熟。得時之積。而收欲速之義
也。今所擬兩種而兩熟之。其穀可勝食乎。

畊心農話下集

民以食為天。國以民為本。本立則道生。民富則好禮。此自然之理也。男不畊則受飢。女失織則受寒。故人莫良於耕織。國莫重於劭農也。古人因地制宜。種法不一。今農不識變通。固守成法。惟畏難而就易。貪多以種淺。一遇雨水不調。年即有虧。若經旱澇。則顆粒無收矣。故殫思畢力。酌古斟今。十更寒暑。以深畊易耨。稀種糞美四法。而種兩熟。稻可免水旱溫蝗等災。

且得倍蓰之獲、法詳於左、定有裨益、願憫民瘼者、以此教農、則誠所深望焉、

樹藝法言計一十四條

凡種田常諳土性、按五土十二壤、無非沙土與淤泥、今不辨其色、但言性之宜忌、沙土性剛、過燥則鬆、濕甚則滯、令種法、不滋泥性柔而膩、平原沃壤、最耐燠濕、故稱膏腴良田、高仰者燥甚、則堅塔、卑下者、滄溟則淤滯、皆難治而易荒、所謂境墉之田也、沙土雖有山河江海之別、然花稻並可

種也。須一年種稻。一季種花。滋泥。但可種稻。不能種
花。即種稻。亦當年易其種。方能茂盛。花者。棉花也。古
未有棉花。不能不重。桑。今既行棉花。可不言桑。而棉
不麻。而布。且。可榨油。洋。可打餅。飼牛。肥田。裨益甚
大。非若寸絲。十命。再審地土之橫豎。豎。謂之。漏田。不
種。察形勢之高低。凹。凸。者。地勢。或高。或低。平。坦。者。
類也。惟江南。地形。高。凹。凸。錯。雜。土。性。各。異。其。人。口。音。隨。
地。而。改。實。於。他。省。不。同。古。諺。云。江。南。各。異。其。人。口。音。
也。謂其地。犬。牙。相。錯。移。步。換。形。青。腴。少。而。坑。塍。多。且。
糧。賦。甲。天。下。農。人。已。業。少。而。租。田。多。故。種。田。者。當。深。
思。熟。計。而。為。測。天。時。之。晴。雨。至。月。令。通。纂。一。云。正。月。一。旦。
之。變。通。焉。

每穀之重以瓦瓶稱水視其輕重
種之萬不致知五穀之豐歉
榆大槐一小豆李麻桑楊柳五木
量五穀各一升小罌盛之揚○崔實曰欲知歲所宜平
後發取量息最多少者歲所宜冬○至日農政全書陰半月
炕乾鏤自早禾至晚者皆爆一握○謂之字婁花各以
器下列比平分數占桶色斷及早以時其澤氾氏曰耕
高下以審白多者為勝也春候凍解地氣通則土柔
時和土當四澤而塊易散陳根可拔也如杏花落和
氣淺一復則為耕田不黏晴則硬草則結踐則堅也夏
不至利畔生者為氣始暑之霪雨時降此九旬天地始
因其一太泄是天為養長之候過此九旬天地始

漸藏宜收成不利時長養故曰早
種得時晚則失時得時之補其地土倍
天地之不足也而大異於生補曰地土高下燥濕不同
之物則有宜不宜為土性雖有宜不宜人亦
有至不至人力之至亦或可以勝天況地乎亦
凡種兩熟稻者冬大犁地深二尺餘均按王氏耕
法未畊曰生已畊曰熟初畊曰無霜畊早
深而猛熟者欲廉而淺又曰無霜畊早
掩冷氣入犁代耕等器如貧家無牛
古法有踏犁水去後填淤之田畝收
冰凍數鍾至春大種五穀必豐至春洩水
略燥沙土輕鬆者反縱之蓄再轉一次
隨分隴則田隴

背也。剛田溝也。古法一畝三畝。觀剛字之象可知。田當有剛也。今之緩田者。乃商鞅佐秦霸之激政也。土經水過。則高不堅。塔卑不淤。滯鉏易鬆。細且解鬱。蒸之厲氣。而害稼。諸虫及子。盡皆凍死也。此法不獨災荒諸患。即人食其虞。孟子曰。不違農時。穀不可勝食。粒者。能免疾疫之處。孟子曰。不違農時。穀不可勝食。也。雖有鎡基。莫如待時。吁。時之義。其可忽乎。天尹氏曰。宜乘也。凡物之生。必有其候。故農以勿違為先。而以之早耕為主。蓋種早則得土之膏澤。生發暢茂。收成必倍。夫農之重於春。耕者。古云。一日之計。在於寅。因其坤元。翁極而闢。耕則氣通。使上迎天日之陽光。與土中初。

旋融霸之和氣洽而凝之故上下四旁之膏澤有勃
然欲生之象是故種蚤之禾得翕而受之以資其生
長所以耕之最得力者在斯時也呂氏謂黃帝曰凡
及時冬至五十七日蒲始生耕事興其得時之種大
本而莖葆長稠疏機穗如馬尾大粒無芒搏米而薄
糠春之易崔實四民月令云正月地氣上騰土長胃
而食之香櫬陳根可拔冬至后用櫬栗木長尺二寸埋尺見二寸
以除上年治不盡之陳根過急蓄強土黑墟之田
此二旬土性復剛則難治矣日春氣始通可耕之堅土
去之小雨復耕和之以待下禮此乃強土而弱之也

二月陰凍畢釋管子曰陰凍至六十日陽凍釋七十可蓄美
田緩土及河渚水處氾氏曰耕以杏花落則勞三月桃花勝可
蓄沙白輕土之田氾氏曰沙土輕鬆者始春縱牛羊
法也按古者春事既起丁壯就工治田無出三月也
春也則農閒閒則諸不善生雖禁勿遵若行善夫仲長
春也則早種之法使無得暇則不禁自治矣
子之言曰天為之時而我不農穀亦不可得而取之
青春至焉時雨降焉始之畊田終之簞簞情者釜之
勤者鍾之淮南子云禾稼春生人必加功五穀遂長

是必早為之計，而非可待其自生也。今循古法，春至輒畊，蚤種自然早熟，農功第一義，莫先於此。故叮嚀言之，○假如方田一畝，廣十五步，長十六步，均六十行，長終其畝，約五十行，一尺二寸六分，高田患旱，可分三與低者分一須一行，高一，行低，相間而治，低者為壟，二十行足矣。須一行，高一，行低，相間而治，低者為壟。其隴間之高低，當測天時，量地勢，為之以禦水旱也。平原之隴畝，高低尺許，如高仰與低田，高下二三尺不等，蓋高低甚，則行少，行少則壟畝濶，壟畝濶則積土厚，種後再加培土壟根，故低田壟背，日高何愁水大之被浸也。高鄉患旱，所種早稻，在畝至培土功到。

其田已平，所種之稻，根深厚，即所以分行者，為早稻。
大旱，酷日，亦不變。煤微，田底也。所以分行者，為早稻。
宜早，晚稻宜水。穎天工，開物云。凡苗自濕，以及故平。
壤種早，秈於隴背。晚秈則種於畎內，如高仰堅土，不
獨晚秈種畎內，即早秈亦種于畎。其所空之壟，作培
土用。如低者，可補種晚稻。平者，補種大豆。廣雅曰：小
豆，菽也。菽，開小白花，莢長寸餘，有毛，俗曰毛豆。荅也。大
甚佳。葉制作菜，品經霜，乃枯。有黃黑青白，班褐數色。
榨油造醬，作腐入藥，充食料，用極廣。或嫌于菜油，遠矣。
性滑者，但熬透去沫，則清香肥膩。煎物勝于菜油，遠矣。
二月至四月，皆可種。地不求熟，鋤不過再，過熟苗茂，
實少。

但使土和無塊而已。晚者五六月尚可種，惟稍加種子耳。二豆種畝約五升，晚者多加一畝，欲收晚，葉落盡拔取，拔訖速耕之。如夏旱甚，大豆不能種者，至七月可種蕎麥。蕎麥善拔地力，非壅壯多而稀種之，不可也。低田早種，種於隴背，再以畎土培之，則日漸壅高，可無患於水旱矣。其畎可補種晚稻者，則補種之。如畎深積水過多，不能補種晚稻者，在春種水芋慈姑，夏種茭白地粟之類，且可字區種而息厚，收成又早，亦能救飢。

又至低者謂之澤田常積水不退可種水產之屬以
及蒔艸灯草或深若河蕩者則種菱芡蓮藕諸品或
養蓄魚池且可為蓄洩田間之水渠蓋吳稱澤國低
鄉積水頗多故興種水產諸品亦可獲利養生惟不
水不燥之低田水產既不能種稻又不可植者齊民
要術所謂凡下田停水處燥則堅塔濕則淤滯難治
而易荒堯堉而殺種非北地平原之可比也如水滂
不得種九月一轉至春種稻萬不失一一愚以為九月法

不必拘，但于田中開溝數道，俟水退皆自，有草生時，即連分耕行，以壟背種稻，則田自高矣。此田切忌糞，其如壟壯，反言其稼，其畝亦可補。山落平洋之田，與種水產諸物，則不亞於良田也。平原同法，惟高危傾阪者，可種玉麥、番薯、百合，以及山花之類。沙田或花或稻，並可種也。其低者則種高粱及蔗，如管茅之地，欲開荒者，先令燒去艸茅，縱牛羊踐踏之，使其根浮，至七月耕之。惟七月耕者，死，須先種脂麻一二年，則陳根皆荒草，自絕也。詩詁曰：一反草也。二歲為畬，漸和柔也。三歲為新，四歲則曰田。田謂已成田而尚新也。

凡春耕當隨手分行、高低如前式、但所耕之地、必壅
至二尺深、秒得鬆細而勻、使種後苗根向下直生、著
土牢固、自然力厚、則不患大風搖撼、雨水漂泊、且田
底難燥、遇旱無妨、否則根土不相著、即不耐旱澇、致
有乾瘠倒垂、蟲齧諸患、占法、一犁一擺六、若止犁
即逐行澆偏大糞、覆以薄土、任其晒露、此為鋪底、至
培上時、糞之弊毒已解、可免燒用費事、
蓋種田全憑糞力、然用法則各處不同、如會稽山陰

之田灌以鹽澆或用鹽艸灰否則不茂
寧波台州近海處田禾犯鹹潮則死
故作硤堰以拒之嚴州壅田多用石灰
土因山水性寒令台州江陰則煨螺蚌
蠣蛤之灰而不用人畜糞如以糞壅田
則艸禾並茂
今江陰灰糞並用故莠草難治
賓州有冷水田用骨灰蘸秧根石灰淹苗足
骨灰者乃猪羊糞骨之灰也
難以枚舉以近地論者用豬灰禽毛垃圾河泥人糞
艸頭之類惟草頭不生諸患也
草頭古稱菜子亦充飢
惜不甚肥

人糞雖肥而性熱多用害稼暴糞尤酷故於秋冬農
隙時深掘大坑投入樹葉亂草糠粃等物用火煨過
乘熱倒下糞穢垃圾以河泥封面謂之窖糞來春用
此墊底下種則花稻之精神都長在蕊穗之上不墊
底至苗長壅壯者以今法必壅菜豆諸餅工本又大且
祇令枝葉繁茂所謂苗而不秀下而不實者也如窖糞
不及備而用熱糞者其法將柴草礮糠作堆用火煨
過半以稠糞拌泥覆之令其中外蒸透則鬱毒解而

以滋生發也田瘠者用牛皮屑浸爛同短頭髮脂麻渣攪和墊底可令數年肥壯

穀種不可襍蓋稻有水旱早晚之分穀有一百餘種之別總不出秈稷或作秠或作三耬而巳秈鮮也以其鮮明也其粒尖細而糯晚者稍軟糯也為其性糯而不黏也變透者粒圓而不白謂之白圓又曰統變而有耿不遠則粒細而明謂之隱花梗耿也因不黏而有耿介之義種時較秈稍遲者謂之早梗與梗及晚秈同時種者謂之中梗至夏至後種者謂之晚秠雖止三者者然種類不一故其米色之黃白紫赤烏碧堅鬆軟硬香否不同與性之寒熱溫故種襍亂則禾生先後良皆由地產形色而變異也

不齊春復而難熟耀賣以襍亂見訾炊爨失生熟之
節是以種須選淨取純色好穗晒乾盛細眼竹籃挂
檐頭透風攝去潮性不使沤鬱沤鬱則不生生亦尋
死冬天於密室築乾粦土墩散布穀種在上鋪以秧
灰蓋以稻艸將近清明先去覆艸臨種五日前用腊
雪水淘去浮谷浸兩日取置灰上灑以濃艸汁覆以
秧灰溫養三日然後下種天氣工間物云種田烈日火
閉急暑氣內過明年下種黃土所成早禾尤甚若入室
為炎熾大壞苗株用腊雪水浸種暑氣立解任從東

南風暖此苗
清秀異常

藏臘雪水法

按冬至後第三戌為臘至立春止取雪盛壘埋土中
自化者佳就檐頭盛日融者次之浸五穀種耐旱不
生虫無真腊雪以腊前三古諺云三冬如有雪來歲
必年豐蓋雪乃五穀之精也劉熙釋名曰雪洗也洗
間地自去淹藏菜食不虫豈非除虫之驗乎凡
花五出惟腊雪六出蓋陰之成數降於盛陰之時密
封陰則不然故不用也

攷種禾不生蟲法

汜氏謂種子傷濕鬱蒸則生虫。又曰牽馬就穀堆食
數口即令踐過為種無好妨等虫。古法取馬骨剉石
許用水三倍煮之。漉出骨渣。骨渣晒干燒灰用附子
五枚切碎以汁浸三四日去附子。再將汁和豢矢羊
矢等分攪如稠粥。先種二旬日。以溲種如麥飯狀。當
晴燥時溲之立乾。薄佈數抗令燥。明日復溲。陰雨則
勿溲。六七次而止。曝過謹藏。毋使再溼。至種時以餘

汁澆而下種則不生蝗蝻矣。詩以食苗心者曰螟食節曰賊皆蝗類其大而方首有王字者冷氣所化按古之治蝗賢者修德其次用智如以法術驅馳者則更為如薄田不能蠶者用蚕矢襍禾種之不生下策矣。如脂麻渣糞田者肥而殺虫且能絕蘆艸之根黃蠹漏田以蒜治之。用蒜即鯀也田中有鯀則水不能蠶鯀根塞之為蒜地無鯀也。按下種之法有三乃撒種遷種與穴種耳。夫撒種者撒穀播種也。遷種者拔苗蒔秧也。撒穀則顆粒難勻艱於賴籽工力煩費所以人不樂從也。惟地廣糧輕者用之不某

不待秧則拔損命根、插種復傷、再失其時、故患生而
獲少也。今所擬之穴種者、宗農政全書種秬種之法
也。其法以鑿穴墊底、而下種、則禾得墊底之力、收成
必倍也。且行列井然、便於耘耨。貧家可于隙地、乘間
補種、謀糧菜蔬之屬。
亦足也。其但勿誤其時、齊民要術以二三月種者、為
種禾、種禾早種也。以其強悍、不畏春寒、故二三月種
禾、及晚種也。○按北方地、平土、堅、早種、儘可種也。惟
所少者、糞耳。今用熟糞、可運載、而去、再種者、冬、天、可
穀、引水、灌、之、法、誰、為、北、方、不、可、種、稻、耶。
穀、引水、灌、之、法、誰、為、北、方、不、可、種、稻、耶。

四五月種者為耕禾。耕禾中晚種之通稱也。四月又
曰二月上旬及麻、苧、楊生種者為上時。山田與高仰
時種早秋。三月上旬及清明節桃始華為中時。平原
及諸水潴之穴宜中。四月上旬及桑生葉、桑花落為
時種早秋。晚秋種沙白輕土。此際高原補種中。杭晚秋
下時。中旬補種平原之晚。杭中。杭下旬及五月上旬
補種沙土及平原之晚。杭中。杭下旬及五月上旬
皆用蔣秧。常法若寄生。然過夏至十日後雖種不生
矣。並揀好天氣下種。過小雨謂之溼種。雨天須待少
生。白背如藏盛者。鋤去下種。否則令禾瘦弱。種法宜

稀而不勻忌攢而密古訣曰苗始生欲孤長欲相依熟
欲相扶此法非區是故五以為族必多粟古法以三
今改每畝分六十行隴則各潤分一種一行空一行左
右隔七寸並兩穴前後距五寸以鑿穴鑿穴人側立
至北逐一為之轉身則于次行如前法以終其畝耘
耕亦如之培土先以四旁之土至第三次用空行故
壟覆之七八次而止其時高田種畝者反高於壟故
補種之大豆為稀蔭蔽其花則不致見日萎黃矣
原則深積水宜補種晚稻不足所補之秧不得與早禾
相並人立本行宜退作則不姑所植可用秧馬更佳
低田種隴者其畝為培土掘深不能種晚稻可種水
產之屬大莖如此因為地制宜在乎人之變通焉計每

行三百二十穴、應種三
十行、共畝九千六百穴、
穀五粒、四散佈開、每畝應種谷用秧灰覆面、輕躡令
實、使土種相著、生根牢固、區田農語注四之日舉趾
種土相親、拔此穴種之法、上謂撒種入土、以足躡之、則
古已有、未始於農政全書也、若待芽長下種、恐有損
傷、故浸種四五日足矣、微芽初得、種畢、序水、潤土滋養、
至苗長四五寸、方可蓄水、如遇春寒、宜令燥之、為早
私質強、寒又可耐、而濕則受傷也、若種早杭、恐春寒
不能出土者、用穀青法、使以蚕豆一粒、與谷五粒同種、
使弱穀隨豆苗一齊出土、俟

豆長四五寸、種損豆莖、古語、我苗有行、故速長、弱不
使爛、汁養苗、則禾更肥、
相害、故速大、又曰、橫行必得、從行必術、行行平、聲謂橫
耜、以耜鉏也、從上聲、正其行、通其風也、
與縱同、術、直也、
凡禾長七八寸、可施耨、耨、去茅草、分、開、曰、耨、耨者、以耨耨
似乎撮、其曰布、布者、耨去茅草、分、開、曰、耨、耨者、以耨耨
苗長也、曰布、布者、耨去茅草、分、開、曰、耨、耨者、以耨耨
於根也、曰復、復、復也、以空行、蓋耨、耨不厭、數、壅、覆、不厭
頭也、曰復、復、復也、以空行、蓋耨、耨不厭、數、壅、覆、不厭
煩也、使土厚、根深、培土厚、根也、深、非、深、種也、乃、透、漸、次、第
土過深、其穀、穊、少、不、能、出、土、結、實、自、有、餘、力、而、無、白
必致朽爛、于土中矣、慎之、

臍青腰等患。長不足。則白臍生。春之米缺其角。夫嘉
禾雖係天降瑞徵。然而人事之精於樹藝者。亦能使
其入土之本節。生枝而稻生數穗也。夫按嘉禾謂
德之稱。然有二說。自古未明。予今詳晰以言之。凡稻
五節。下二節在土。生根鬚。能發枝。幹上三節。一幹直
上。生穗。結實。如有一岐。枝分。出結實。乃天降之瑞。穀非
人力。生之。所能為也。若精於樹藝。培植根鬚。茂盛所生枝
六。七寸者。其下二節。必長。大。力。足。根鬚。茂盛。所生枝
幹。皆能結實。而有五。七穗。之稱。古有九穗。十三穗。之
說。倘生于一。兩。幹。焉能扶。直。乘。載。哉。或。以。予。言。之。不。信。
者。可。於。水。稻。深。澤。求。之。每。有。此。稱。可。証。人。自。不。察。耳。
今。農。不。知。深。耕。培。土。之。妙。其。所。待。之。快。入。土。不。過。三
四寸。又。將。根。鬚。拳。曲。在。土。故。下。二。節。不。克。舒。展。長。大。

即所生之孫支、誘謂竈頭者、細弱不堪、勢難結實、雖結亦不肥、綻反分其枝幹之力、以致虧收也、
凡賴田、閤水必審度形勢高下、始自下緩上放水、先令高處旋耘旋乾、不問草之有無、必徧以手排撥、務令稻根之旁液上、然而已、耘過之田、四旁及中須為溝數條、俾水竭涸、泥土坼裂、如日旺天燥、閤水一二日足矣、然後次第復水、從下至上、或遇天雨、土即蘇解、不三五日間、稻苗蔚然、殊勝用糞、如酷暑耘田、以所除之莠艸和泥、握濁深埋於稻根之下、漚罨既久、

草即腐爛而泥土肥美則嘉穀蕃茂矣此即禮記所謂夏月利以殺草可以糞田疇可以美土疆也今農不惜而拋棄之且不知田乾水暖艸死土肥之法輒令放水速乾以致土瘠堅結不能耕耘或工夫不逮閤水不竭土性未乾莠艸未死即以復水反使艸茂瘦木或閤水已透冀得時雨因循燥極然後致水奈苗已受傷根枯葉焦無所措手如此鹵莽滅裂十常八九終不省悟可勝歎哉再者伏天日旺如下午肩水

者可先戽少許以收田中之熱氣即行放去再戽新
水養禾則不致有熱傷生蟲瘰癧等災若農忙時乏
人戽水可預備虹吸鶴飲飛車等器以免忙迫急土
乏人戽水之虞矣補種之種或中或晚須看空行之
燥濕則水之淺深空隴高者土必燥平者土必潤燥
仍宜蒔秧法但不可拔秧水澆者撒種惟畎中積水者
於秧田中多壅糞壯及秧長用大錢鏟從根下連土
起置平板上分而種補種於隙處使彼此互讓則
之其收穫必倍蓰也
不致有大小強弱之妨而得早種之陰庇則無熱傷

弱禾之患也。及長，早種者已刈，即以其根土壅覆，可省鋪底一倍之工本，豈非兩熟稻較種二麥簡便，且息厚數倍乎？其補種之稻，較常法早種一月，收時可早二月，而息亦勝於常法，且免裁荒，即種本之慮。人工之便，皆非常法同日語也。此為古人早晚相集之以防歲時早晚水旱之偏災，今種兩熟稻，雖遇偏災，終無全荒之理，如一歲全熟，可餘一熟之益，藏不十年而菽粟白露後，常夜半候之，天有白露似霜者，最如水火矣。害五穀於平明時，令兩人對持長索各一端，概去木

中霜露日出乃止則禾稼不傷蓋露能養物霜能殺
物秋氣金旺露凝似霜所以見秋金之氣專於肅殺
故名其節曰白露也即其時之雨味苦而有毒諺曰
白露之雨似鬼而害稼故晚稻之收斷不及早稻
之多者以此李蘋湖謂白露雨有毒釀酒醋造食
物皆易敗人飲之令生脾胃疾

晚稻刈後田為根深不能開墾者可從中隙處犁深
作溝斥水在內以垃圾糞穢填入聽其淤滯即為冰
田之法稻根浸久自然腐爛日後耕耘免有陳根纏

結於土中之累，且預田^肥土，以作來春之鋪底。或以所掘溝旁之積土堆上，冬種艸子，至春翻於溝中，將草沤爛，以作壅壯，則田土倍肥。

右所集種法一十四條，皆歷來確有明驗者，乃本諸天道，而修人事，以盡地利之義。薈萃衆說，錯雜成書，去其煩，而就其簡，易於為力者也。妙在不獨丁男操作，即老嫗婦女，皆可量力分工，則家無坐食之累，其法雖不如區田之多種多獲，按區田法雖種四分

之一然每寸一莖每畝當種
谷一十五萬應獲三十石
今兩種而兩收亦有
倍蓰之息此非撒穀難勻間寸賴籽逐區澆灌之
工力煩費又非常法蔣秧損根今法秧田中拔時
復又損之故種後其葉黃貪多種淺今法畝種
數日漸起半月復原
千粒穀所種稻根入之不耐水旱然而為法雖善
其不過四五寸耳
尚藉良農之及時播種培植惟勤方克有效願業
田者盡守此法而善為之則天下蒸民可無凍餒
之患矣

以上所集無非深耕易耨稀種糞美之四法如此。然而地土之異、天時之變、未可以一定之章程而規畫也。故事物之宜在人應機變化而制宜焉。所謂神而明之存乎其人。如統志謂雷陽稻十一月下種、揚雪畊耘、次年四月熟、與他處迥異。○菽園雜記云、新昌嵎縣有冷田、種晚稻後、任日曝土坼裂、至八月初蓄水、浸土、蘇爛則永茂長。若曝未久、得水果則稻科冷瘦而不長。本草綱目謂西南夷

有燒墾山地為畬

音奢火種也

田而種旱稻謂之火米

真臘有水稻隨水而長有高丈餘者○背陰國有
浹日稻一月三熟○婆登國有月熟稻每月一熟
儋耳旱稻曰山禾一歲連收三四熟○天竺烏菴
二國稻皆一歲四熟○南海晉安有九熟之稻一
歲九登若謂炎方異域土暖易生荒遠無稽固勿
論也聞之○臺灣百餘年前種稻歲只一熟自民
食日衆地利日興今則三種而三熟矣盡人事以

補天時地利之偏、美利盡有極乎、今聊舉數事、雖若異聞、然因地之宜、皆屬人事之所為、習慣自然、亦何疑焉、

竊聞天災流行、堯湯不免、春秋二百四十二年、書大有者、僅二、而水旱螽螟、屢書不絕、然則年穀之豐、蓋亦罕見、是以為民生國計、欲興春耕、而以花稻為主、夫棉花、乃禦寒服用之要、今農不善種植、以致歉收、已久、價昂數倍、窮民無力置辦、不知其凍死有幾多、

矣。故即補於種稻之後。其次復集稌^稌數種。可以救饑者。以備不虞。又輯玩賞數品於末。以供雅人之清鑑。方知農餘自有樂趣也。

棉花攷

棉花有艸木二種。草本穀雨前後下種。夏秋間開黃花。如秋葵而小。結實似桃。熟則殼裂。白棉出焉。棉中有子數顆。亦有紫色之棉。白露後旋熟。旋摘。名曰子花。曝乾。軋去子。曰花衣。彈鬆。撻條。紡紗織布。或為線。

為帶。或作絮胎。裝衣被中。大能禦寒。漢時外國所貢之吉貝。即此棉布也。唐時閩廣或有種之者。至元季有黃婆者。本東吳人。嫁於瓊州。年老歸鄉。携來棉子。種於泥漬。秋收後。教人紡織。自此盛行於世。故黃婆血食于彼處。立專祠以祀焉。

李蘋湖云。不蠶而棉。不麻而布。利被天下。其大哉。蓋謂此也。○雲間通志以為木棉者。乃踵蔡氏之誤耳。且艸本之核。可以榨油。滓可打餅。飼牛肥田。其利廣。

博非木本之不堪為布也。吳錄所謂交州永昌木棉樹高四五丈，花紅如山茶，子似楮實，敲碎外殼，其中之棉似玉麥狀，用貯茵褥則佳，以其輕鬆軟滑也。今所謂攀枝花者，即木棉也，未可以草本之棉花為木棉花云。

霏雪錄李商隱詩：木棉花發鴈鵲飛。○又王叔詩云：紙錢灰出木棉花，皆咏此攀枝花之木棉也。

種法

種棉花宜擇兩和不下之沙地為上。平原沙土次之。
於正月地氣透時，深耕三遍，攏鉏調熟。平原須作畦。
畛畦也，雨畦間一畝一畛，蓋畝以淺水，畛以立脚。
再畚畝土加於畦背，起脊，則不蓄水而易於遠風也。
用大糞，逐行流通，薄土覆之，以作鋪底。至穀雨前後，
揀好天氣下種。先一日將已治之畦連澆三次，或一
二次。雨後土濕不可澆也。其種子用臘雪水淘去浮

者、流出堆於陰濕地上、用秧灰拌勻、以瓦盆覆一夜、次日取出、搓得伶俐、不黏、然後鑿穴、熟糞拌泥、墊底下種、每穴三枚、覆以秧灰、輕々按實、略澆微水潤之、七日苗出、常使潔淨、毋令艸蔽、當勤鉏削、乾則溉之、苗有四五寸長、揀細弱者摘、摘一二莖、不得拔鬆根、土及長二尺、打去衝天心苗、旁枝長尺五、亦去心苗、使葉々不空、開花結實、則矜綻而棉足也、白露後、矜裂棉熟、則旋摘之、佈於箔上、曝乾、是為子花、如有勤

於力作者、揀隙地亦可補種大豆、及至收成、更得意外之餘利矣、

蠶豆 一名胡豆

以其蠶時始熟、莢狀老蠶、故名、九月種於隄邊陌上、方莖中空、一枝三葉、二月開花、如蛾、外白而中紫黑、若兩眼狀、結角連綴如大豆、鮮食甚美、曝乾充食料、作甜醬、真可壅田用、亦廣矣、

菜豆

三四月下種、六月收子、再種、八月又收、早種者摘絲、謂可頻摘也、遲種者拔絲、謂一拔已盡也、其年李子不蛀、此豆有收、

赤豆 名荅即赤小豆也

夏至後種、色黯赤而小者入藥、大而鮮紅、或淡紅者、並不治病、但可作食料、以及糰餅餡耳、

脂麻

其莖方其花白節上結角四稜六稜者房小而子少
七稜八稜者房大而子多宜肥春夏俱可下種須得
保離尺許為法上半月種者實多而成速下半月種
者子少而多秕白者油麻黑者胡麻一名巨勝或有
赤色者早麻白而纏莢者佳謂之纏
美麻晚麻各葉最熟者最佳即烏麻油最美三月種早麻纔甲折即耘鉏
令苗稀疎一月凡三耘鉏則茂盛七八月可收也五
月中旬後種晚油麻治如前法九月成熟矣不可太

晚七則不實畏霧露蒙七之其類不一唯此二者人
卷一二然布年架晒之即再傾倒而晝矣久卷則
油暗五月治地唯要深熟於五更承露鉏之五七遍

即去壤滋十七日加
煮煮又復鉏熟

芋一名蹲鵠又曰土芝有水旱數種○詩曰園
收芋粟未全實古人有以蹲鵠起家者

旱芋山地種水芋澤田種水芋味勝區種法於低田
畎中掘深三尺長亦如之取蚕豆箕納區中足踐實
厚尺許用熟糞和土平鋪箕上再踏足二尺許種芋
子五枚於四角及中央覆以河泥積水過土勿令乾

煇相間三尺，仍前區種。蓋寬則透風，深則根大而息多。芋羞人看，并長刮鍋聲，犯之少息。在三月種者，比及炎熱，根科大旺，頻鉏其旁。秋生子葉，以土壅根，霜降拔葉，使液歸根。當心出苗者，為芋頭。四邊側生者，為芋子。上有芋白，擘下以滾水燂過，曝乾炒食，勝蒲筍。芋充食料，又可療飢。如寒夜擁爐食此，真味。所謂煨得芋頭熟，天子不如我。且虫蝗不能傷，故禦窮之良策也。

菰 一名雕胡。又曰茭白。亦曰茭筍。

葉如蒲葦。四五月取以裹粽。中心白莖。葦素皆用。糟食。醬食並佳。晉張翰思吳中蓴菰。即此類也。逐歲移栽。心不生黑灰。犯錢器即成野菰。清明前分秧種水田中。不用澆灌。春秋兩刈。

慈姑

每根歲生十二子。姑乳諸子慈愛而懷抱。于四週故名。閏年則多生一子。

三月種淺水中。如插秧法。葉如剪刀形。開小白花。根大如杏。正二月採食。須灰湯煮熟。去皮食。乃不麻瀉。

戟人咽也、莖葉掘爛、傳之惡瘡、調蚌粉塗癰疔、

葶薺一名地栗、又曰烏芋、

正月留種、埋泥缸內、待芽生、二三月種於淺水田中、
三四月苗出土、一莖直上、無枝葉、狀如龍鬚、高二三
尺、宜肥、灰糞豆餅皆可壅、賴籽與稻同、冬至前後掘
取、生食煮食並佳、

菱菱

武林記、四角曰菱、兩角曰菱、開小白花、背日而生、晝

開夜炕，隨月轉移。吳中湖泖及人家池沼皆種之。有青紅二色，紅者最早，六月實各水紅菱稍遲而大者曰雁來紅，其四角而小者，俗謂之晒穀菱。七月熟，至九月角圓無刺，實更美。其青而大者曰餛飩菱，最甘香。唐求輿詩云：交遊萍苻侶，菰蒲懷玉藏。珍似隱儒葉，底只因頭角露。此生不得老江湖。嫩時生食甘脆，老者煮食甘香。或去殼曝乾為米，為餅為糕為粥為果，為粉可以代糧，佳果也。老則殼黑而硬，墜入江中則

之葉大於荷、文皺如穀、面青背莖、葉皆有刺、高丈餘、
中亦有孔、有絲、嫩者剥皮可食、五六月生紫花、
開向月、結色外有青刺如蠟、形似雞頭、實藏於中、
白如珠、可濟儉、故謂之芡、根如三稜、煮食若芋、
梅聖俞詩曰、蝟毛蒼々磔不死、銅盆蟲々釘頭生、吳
雞聞敗絳幘碎、海蚌縱裂玕珠明、

藕花子葉附

蘇州洞庭山消夏灣、荷香十里、花時一望無際、誠佳

為烏菱種法重陽後收老菱浸水內二三月發芽撒入池蕩中葉盛時有萍荇相襍即撈去之此為澤農有利之物也

芡實一名雞頭

郡志云吳江出者殼薄色綠味腴大如小龍眼者味更佳長洲車坊出者色黃皆能補腎滋精食之並人有稭稭二種秋間熟時收子色浸水中二三月撒淺水內待葉浮水面移栽深處以麻豆餅屑拌河泥種

境也。○郡志謂黃山南蕩藕食之無渣。他產不滿九
竅。此獨過之。杭州西湖藕甘脆。區眼者佳。高郵者皮
斑黃如錢鋪。節短壯而多漿。土人不以為美。過江則
味腴。且久藏不變。鎮江以金壇為勝。二月起蕩取老
藕。實之糯米。煮食之。或磨漿晒乾為粉。調食甚佳。花
時採者曰花下藕。鮮食香美。清明取單葉白蓮小藕。
栽淺水中。用短髮灰糞墊底。候晒乾土裂。岸水養之。
則當年有花。採之蒸露。芬芳沁肺。以消暑氣。蓮子亦

佳菜也。鮮食清香甜嫩。曝乾為果。有建蓮、湘蓮之分。秋後摘葉用之。包物亦煩需也。最忌物影搖映。則花實萎悴。熱水摘花。恐爛。及其根。單葉者結實。有紅白淡紅三色。紅者蓮多藕劣。白者蓮少藕佳。其花白者香。紅者艷。千葉者不結實。別有合歡並頭者。一幹兩花。有夜舒花。夜布畫卷。睡蓮花。夜則入水。金蓮花色黃。碧蓮花色青。綉蓮花如綉。四面蓮。一蒂四花。飛來蓮。花開五色。燦爛無比。皆異種也。更有分枝蓮。藕合。

蓮、十丈蓮、四季蓮、惟鉤仙池、分香蓮為最、物類相感
志曰、荷梗塞穴、鼠自去、荷葉煎湯、洗鑼垢、自新、葉可粉、然

種蓮子法

取佳種、堅黑石蓮、磨破頭、裝卵殼內、令母雞抱七日、
清明用河泥糞壯、種於碗內、曝裂、加水養之、不可移
動、及一切物之目影、則花開如豆、葉大似錢、置之按
頭、誠清玩之佳品也、或種時、取天門冬末、和泥置盆
中、收蓮實種之、花開錢大、

養花法

瓶貯溫湯、以紙蒙口、用利刀削去花葉之枝、隨手速
插、則葉舒而花久、

高粱 即蘆稈也、一名蜀黍、

宜下沙地、春天早種省工、而秋收多、幹高丈許、似蘆
荻而內實、葉亦似之、穗大如筴、粟大如椒、紅黑色、性
堅實、黏者可釀酒、不粘者煮粥作糕、稍可作筴、莖可
織箔、席、編籬、博物志曰、地種蜀黍、年久者多蛇、

蕎麥一名烏麥

高田耕三次、立秋前後種、莖弱而赤、花絲瑣小、實有三稜、老則黑如地色、耕三遍則三重、著子八九月收、連根拔之、性畏霜、下兩種子黑、上一重子白、即當拔、但對梢相搭鋪之、其白者日漸變黑、若待上層總黑、則下子盡落矣、烈日晒開口、舂取磨麴、稈灰調大麥粥、柔滑而膩、淋汁洗牛馬瘡癩、亦入外科藥。

蔗

呂惠卿云此草皆正生靖出惟蔗側種根上
度出故字從廢也

荻蔗皮青竹蔗皮白崑崙蔗皮紫造糖用竹蔗去皮
葉礮成漿用槿木槽澄清煎滾入甕凝結成糖上白
下赤中黃榨淨汁鍊凝時以猪油點之為冰糖按神
隱十月初收節密者連梢葉入窖來年二月種潮沙
地犁長溝用猪毛灰糞和土墊底以蔗卧于溝內鬆
土覆之三月苗出去旁邊小苗止留大者因其叢生
似竹而肉實高六七尺大者圍數寸葉似茅而大長

三四尺、扶疎四垂、最困地力、苗出壅麻豆餅、或大糞、如以坑砂末壅者、味甘而鮮潔、

顧愷之咬蔗曰、自梢至根、以為漸入佳境、其味在根、至梢則淡矣、○相感志曰、同櫃子食渣軟、

蒔菰菌

三月、取朽爛桑楮木、砸碎如種菜法、布於潮濕之熟地、以土覆之、常溉米泔、令潤、數日即生小蕈子、鋤去之、明日又生、再鋤之、至第三度出者、長二三寸、本小

末大、色白、柔軟、其中空虛、狀如未開玉簪花、俗名雞
腿蘆菰、開翻如羊肚、有蜂窠眼者、故名羊肚菜、本自
桑構、食之無毒、且能化痰理氣、誠美品也、未審八月
可種否、

葫蘆

長柄者為最、露頸者次之、如馬鈴東腰合
盤者尤其次也、予曾見曹史亭有一葫蘆、
柄長三尺、盤旋如螺、

區種大葫蘆法、二月初掘高燥沙地作坑、方圓四五
尺、深亦如之、填油麻絳豆穢、及爛艸等物、覆土一重、

再下牛糞、又土一重、復下蠶沙、又土一重、凡下一重、
糞土、踏實、沃水、下種十來顆、待苗生尺許、揀四莖肥
好者、每兩莖相貼著處、竹刀削去半皮、合併一處、麻
皮纏縛、黃泥封固、猶接樹法、待相著活後、留強者一
頭、餘悉掐去、又取所活兩莖、如前接貼、俟活後、惟留
一莖、餘亦掐去、如此則四莖合為一本矣。按記氏以
外、便總聚十莖、歸一處、以布纏定、五寸
許、用泥塗之、不數日、纏處已合并為一、
蔓長搭架引
之、俟花開結子、揀周正好大者、留兩枚、餘者花子悉

為拙去如斗大之種可變為數石之大瓠矣。須經嚴霜老結，曝之極堅者，方可用以為器。此莊子所謂五石之大瓠也。

或將瓠子種於大紅雞冠花之兩旁，去皮合繫一處，用泥封裏，候沾，剪斷瓠根，令托生於雞冠花。雞冠之苗亦摘去之，則所生之瓠，猶如雞血。昌化石之鮮紅可愛，謂之仙瓠。或以瓠初生時，用水研芥辣末，以筆蘸畫之，或字或畫，所畫之處，不長儼

如刻成。○欲令長柄屈曲者，剖開藤根，納巴豆肉一枚，二三日，其葉盡癰，瓠柄亦柔軟，可隨意挽結作巧，用麻皮縛定，取出巴豆，以水澆灌，隨即興活，以成結。瓠○瓠之最貴者，如指大，之細小，藤頸葫蘆，價值數金，不易得也。種法，取潔淨田泥，敲碎篩細，置盆中，清明節，取藤頸堅實好子，雪水浸一日，晒於日中，取出，用秧灰拌勻，藏無風處，俟萌芽生，遂種於盆中，微水潤濕，待其苗長數寸，澆以草汁，三次，及長，用細竹為

架引籐纏繞細若灯心煩花宜摘結實刷毛經霜日
曝色如象牙老結堅硬方可摘取否則癰皺無用須
澆灌及時燥濕得宜又宜露宜微日晒之庶幾結子
開瓠出實法如瓠頸細長而拳曲者不能出實可於
瓠頂或腹上剗一穴用巴豆肉二三粒研水為漿灌
入孔內數日審透腹內瓤膜腐爛可傾出盡淨也法
用朴
碩

百合附泥丹

根小者如蒜、大者如碗、數十斤累、相色若蓮華狀、故名百合、花初開青黃色、後變純白、中有檀心、花重常傾、而極香者、名曰天香、此種最佳、其短而繁者、曰麝香、小而紅班如萱花者、曰虎皮、不香、又大而外白內班紅者、為洋種、亦不香、二月取大者畦種、如種蒜法、壅以雞糞、或云移在開花時、則來年有花、又小如錢大、色白而香者、乃山中自生之金錢百合也、食之益人、不易多得、又一種花色深紅、味苦性寒者、乃握

升也。亦曰山丹。俗所謂紅花百合也。雖名百合。性味
迥別。

山藥 本名薯蕷。

出秦東岳王市者。大如臂。扁者更佳。汴梁出天公掌。
俗謂佛手山藥。尤妙。色白。屬肺。味甘。歸脾。故入肺脾
二經。能補不足。而清虛熱。患噤口痢者。得一方。用山
藥半生半炒為末。米飲下。驗。生搗爛敷癰疽。能消腫
硬。或加古錢。

螺田

辛亥之春訪歐亭姚明府於海塘工次歐亭精天文
其必重蓋海塘築亘七百餘里為東南之保障今華
亭縣屬崩潰二十餘里○欽工修築故有是役如月
朔旦不由金山衛東門至塘工頭段約四里路見隄
臨大海立木為椿填石蓋土如是四層下築淺陂以
護椿木藉此以禦不測之怒濤欲其勿潰不亦難乎
故唐每為潮汐衝激不久坍塌屢修屢圯靡有已時

少。帑勞民實為大患。故予擬一法。可一勞永逸。使
無傾圯之虞。且能為民生息。以養窮黎。名螺田詳於
後。○按北宋時蔡忠惠公出守泉州。憫海渡之溺人。
故於洛陽江畔壘石架梁。種蠣於礎。橋長三百六十
丈。廣一丈有五。計費一千四百萬。八日工成。勒碑誌
之。曰萬安橋記。即洛陽橋。迄今十載。未嘗傾圯。未聞
有修理之說。橋為蠣蟻塞斷數里。舟楫不得往來者
久矣。又聞山東濱州利津縣海口。夷不敢到。為蠣蟻

山積、洋艘觸之立碎、惟本地熟人出入無事、又攷廣
州沿海所屬、多種螺田、其法燒石令紅、投海中、輒生
螺、螺千萬相累於石、蔓延數十百里、故詩曰、一歲螺
田、兩種螺、田片片、在波濤、螺生每每、因陽火相紫
成、山十丈高、予欲訪此法、施之於海塘木石之間、而
成螺山、以禦巨測之怒濤、可使永無後患、且民以打
螺得利、而無凍餒之憂、不更善乎、擬打螺詩云、冬月
赤珠螺更多、漁姑爭唱打螺歌、紛々龍穴洲邊去、半

海雲鬣在白波予嘗至海邊見石上蠣殼黏連玲瓏
可玩凡鹹水浸漬之處皆有之若經陽火則易生也
蠣肉名曰蠣黃雲間人呼為額部肉煮食味頗鮮美
生啖用麻油鹽拌甚佳乃海饌中之仙品也

田衛人歌

道同仲既田字名、細諉刀義典咄軀、①字策心縈綢
橫、皇易二炁產三三、外邊西爲國、轉、內裏五行戊
巳成、夸麟皆巡這個出、性无塵物无含融、物稟父性
会隄偏、維至觸西乃物界、黔隄偏、孝性情乖、而射琴
蘇純粹稚、乳傳戚男與傳厄、五千因空先、更傾、炁珠
豈入奎水肉、圖字罔爲覓珠行、釐鬻透、遇、越、訣、補、効
莊宮、遠成相、此、戊、就、已、周、知、无、連、副、楚、兮、彰、削、出、藉

亡松成三健體。塚矣轡咏。死下哥。未擊老。傳威十氣。
求師。舅閣少靖傳。躡沛泳離。必於是。萬苦千辛。向誰
求。離來。閉戶。默彰坐。悉徹惺。緣患皮。所傳。邐來。帶
外求。反躬省己。未生前。自起。誤躍。圈中。後惜。懂。
半百。端在。味。徧嘗。如嚼蠟。窮通富貴。盡無牽。始出。
命了。所變。故在。墜間。說種田。

雞无腎。媒墜樂鼠在穴。古體記。